

ქ. თბილისი

06.08.2015 წელი

ერთის მხრივ ქალაქ თბილისის მუნიციპალიტეტის მერია (შემდგომში-შემსყიდველი), ქალაქ თბილისის მუნიციპალიტეტის მერის მოადგილის გიორგი სოლომონიას სახით და მეორეს მხრივ, შპს „კომპანია ბლექ სი გრუპი“ (შემდგომში-მიმწოდებელი), წარმოდგენილი მისი დირექტორის ამირან მამუჭაძის სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი, ობიექტი და ხელშეკრულების მოქმედების ვადა

- 1.1 ხელშეკრულების საგანია ქ. თბილისის ბიუჯეტის სახსრებით, ქ. თბილისში, გმირთა მოედნიდან თამარაშვილის ქუჩამდე არსებული ავტომაგისტრალის რეაბილიტაციის (პკ 9+60,00 - პკ 19+62,00) სამუშაოების შესყიდვა წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით, "სახელმწიფო შესყიდვების შესახებ" საქართველოს კანონის მე-10¹ მუხლის III პუნქტის „დ“ ქვეპუნქტის შესაბამისად (2015 წლის 23 ივლისის #1618 საქართველოს მთავრობის განკარგულება).
- 1.2 ხელშეკრულების ობიექტია: ქ. თბილისში, გმირთა მოედნიდან თამარაშვილის ქუჩამდე არსებული ავტომაგისტრალის რეაბილიტაციის (პკ 9+60,00 - პკ 19+62,00) სამუშაოები;
- 1.3 კლასიფიკატორის კოდი: 45233142 - გზის შეკეთების სამუშაოები.
- 1.4 ხელშეკრულება ძალაში შედის გაფორმებისთანავე და მოქმედებს 2018 წლის 01 ნოემბრის ჩათვლით.
- 1.5 ქ. თბილისში, გმირთა მოედნიდან თამარაშვილის ქუჩამდე არსებული ავტომაგისტრალის რეაბილიტაციის (პკ 9+60,00 - პკ 19+62,00) სამუშაოების საპროექტო დოკუმენტაცია მიმწოდებელს გადაეცემა ხელშეკრულების გაფორმებისთანავე.

2. ხელშეკრულების საერთო ღირებულება

- 2.1 შესყიდვის ობიექტის ფასი განისაზღვრა ლარებში.
- 2.2 შესყიდვის ობიექტის საერთო ღირებულება შეადგენს 734863,33 (შვიდასოცდაათოთხმეტი ათას რვაასსამოცდასამი ლარი და 33 თეთრი) ლარს, ყველა გადასახადის ჩათვლით.
- 2.3 შესასრულებელი სამუშაოების ღირებულებების დეტალური აღწერა და მოცულობები თან ახლავს წინამდებარე ხელშეკრულებას და წარმოადგენს მის განუყოფელ ნაწილს.

3. სამუშაოს შესრულების პირობები, ვადა და ადგილი

- 3.1 სამუშაოების მიწოდების ვადა - ხელშეკრულების გაფორმებიდან 2015 წლის 30 სექტემბრამდე.
- 3.2 მიმწოდებელმა კალენდარული გეგმა-გრაფიკი უნდა წარმოადგინოს და შემსყიდველთან შეათანხმოს ხელშეკრულების გაფორმებიდან არაუგვიანეს 5 (ხუთი) კალენდარული დღის ვადაში.
- 3.3 მიმწოდებელი ვალდებულია სამუშაოები დაიწყოს ხელშეკრულების გაფორმებიდან არაუგვიანეს 5 (ხუთი) კალენდარული დღის ვადაში.
- 3.4 მიწოდების ადგილი - ქ. თბილისი, გმირთა მოედნიდან თამარაშვილის ქუჩამდე არსებული ავტომაგისტრალი (პკ 9+60,00 - პკ 19+62,00);
- 3.5 სამუშაოების შესრულებისას გათვალისწინებულ უნდა იქნას საქართველოს მთავრობის 2014 წლის 14 იანვრის N55 დადგენილების მოთხოვნები.
- 3.6 მიმწოდებელი ვალდებულია სამშენებლო ობიექტზე საკუთარი ძალებით და სახსრებით უზრუნველყოს ინჟინერ-გეოდეზისტი, რომელიც აწარმოებს შესაბამის ზედამხედველობას.
- 3.7 მიმწოდებელმა თითოეულ ობიექტზე თვალსაჩინო ადგილას უნდა განათავსოს მინიმუმ 2 ცალი საინფორმაციო დაფა (100 სმ/80 სმ) შემსყიდველის მიერ გადაცემული ესკიზის შესაბამისად;
- 3.8 სამუშაოების დასრულების შემდეგ შემსრულებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, და ა. შ.

4. შესრულებული სამუშაოს ხარისხი და გარანტია

- 4.1 შესრულებული სამუშაოს ხარისხის საგარანტიო ვადად განისაზღვროს საბოლოო მიღება-ჩაბარების აქტის გაფორმებიდან 3 (სამი) წელი.
- 4.2 ხელშეკრულების ფარგლებში შესასრულებელი სამშენებლო სამუშაოების ხარისხი უნდა შეესაბამებოდეს საქართველოში მოქმედი და ხელშეკრულებით განსაზღვრული სამშენებლო ნორმებითა და წესებით გათვალისწინებულ მოთხოვნებს და სტანდარტებს;
- 4.3 სამუშაოების დასრულების შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

4.4 სამუშაოს ხარისხის დაცვის უზრუნველსაყოფად მიწოდებული სამუშაოს ღირებულებიდან დაკავებული იქნება 5% დაკავებული 5%-დან 2,5%-ის გადახდა განხორციელდება სამუშაოს სრულად დასრულებისა და საბოლოო მიღება-ჩაბარების აქტის გაფორმების შემდეგ, ხოლო დარჩენილი 2,5%-ის გადახდა მოხდება ხარვეზების აღმოფხვრის და საგარანტიო ვადის გასვლის შემდეგ.

4.5 მიმწოდებლის მხრიდან, საგარანტიო პერიოდის სრული ვადის ამოწურვამდე, დარჩენილ 2,5 %-ზე უპირობო, გამოუთხოვადი საბანკო გარანტიის წარმოდგენის შემთხვევაში (გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან (გარდა იმ სადაზღვევო კომპანიებისა, რომელთაც სახელმწიფო შესყიდვების პროცედურებით განსაზღვრულ გარანტიებთან დაკავშირებით ქ. თბილისის მუნიციპალიტეტის მერიასთან მიმდინარე პერიოდისათვის უფიქსირდებათ ვადაგადაცილებული ვალდებულებები და სასამართლო დავები), ეროვნულ ვალუტაში - ლარში) შესაძლებელია განხორციელდეს თანხის გადახდა.

4.6 თუ მიმწოდებელი არ ასრულებს ხელშეკრულების 4.3 პუნქტის მოთხოვნებს მაშინ 4.4 პუნქტით განსაზღვრული დარჩენილი 2,5 % არ ანაზღაურდება.

4.7 თუკი ხელშეკრულების საგარანტიო პერიოდის ვადის გასვლამდე გამოვლენილი ხარვეზების შედეგად შემსყიდველს მიადგა ზარალი დარჩენილ 2,5 %-ზე მეტი ოდნობით, მიმწოდებელი იღებს ვალდებულებას გადაუხადოს შემსყიდველს შესაბამისი ნარჩენი ღირებულება ან აღმოფხვრას წუნი საკუთარი ხარჯებით.

5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლზე ინსპექტირებას შემსყიდველის მხრიდან განახორციელებენ ქალაქ თბილისის მუნიციპალიტეტის მერიის კეთილმოწყობის საქალაქო სამსახურის თანამშრომლები, ხოლო ტექნიკურ ზედამხედველობას ა(ა)იპ თბილისის მუნიციპალური ლაბორატორია.

5.3 შესრულებული სამუშაოების კალენდარულ გეგმა-გრაფიკთან შესაბამისობის დადგენის მიზნით, შემსყიდველი პერიოდულად ახორციელებს ინსპექტირებას, რაზედაც წინასწარ ატყობინებს მიმწოდებელს. ინსპექტირების შედეგები აისახება შესაბამის ოქმში;

5.4 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. მიმწოდებელი ვალდებულია საკუთარი რესურსებით აწარმოოს სამუშაოების ხარისხის კონტროლი, კერძოდ:

მიმწოდებელი ვალდებულია სამუშაოები განახორციელოს საქართველოში მოქმედი სამშენებლო ნორმებისა და წესების მოთხოვნათა სრული დაცვით. მათ შორის: აწარმოოს სამუშაოების ხარისხის კონტროლი, გამოსაყენებელი მასალების ლაბორატორიული გამოცდები და მოთხოვნის შემთხვევაში წარუდგინოს ტექნიკური ზედამხედველობის განმახორციელებელ პირს გამოყენებული მასალა-ნაკეთობების ხარისხის დამადასტურებელი დოკუმენტაცია (ლაბორატორიული დასკვნები, სერტიფიკატები და სხვა).

5.5 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

6. შესყიდვის ობიექტის მიღება-ჩაბარების წესი

6.1 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. ამასთან, შესრულებული სამუშაოების (ან მისი ნაწილის) დასრულების თარიღად ჩაითვლება დადასტურებული ფორმა N2 ით (შესრულებული სამუშაოების აქტი) განსაზღვრული სამუშაოს დასრულების თარიღი.

6.2 მიმწოდებელი ვალდებულია მიღება-ჩაბარების აქტის გაფორმებამდე წარმოადგინოს ექსპერტიზის დასკვნა შესრულებული სამუშაოების ღირებულების (ერთეული ფასების) ფაქტიურ დანახარჯებთან შესაბამისობის შესახებ (ექსპერტიზის მომსახურების ღირებულებას ანაზღაურებს შემსყიდველი, სახელშეკრულებო ხარჯთაღრიცხვაში ამ მიზნით გათვალისწინებული ხარჯების ფარგლებში)(საქართველოს მთავრობის 2014 წლის 14 იანვრის N55 დადგენილების მოთხოვნების შესაბამისად).

6.3 ხარჯთაღრიცხვით განსაზღვრული სამუშაოების მოცულობები შესაძლებელია შეიცვალოს (დაზუსტდეს), ფაქტიურად შესასრულებელი სამუშაოების გათვალისწინებით, ხელშეკრულების 5.2 პუნქტით განსაზღვრულ პირ(ებ)თან მიღწეული წინასწარი შეთანხმების საფუძველზე, რაზეც გაფორმდება შესაბამისი აქტი და ამ აქტის საფუძველზე უნდა გაფორმდეს შემსყიდველსა და მიმწოდებელს შორის ხელშეკრულების დამატებითი შეთანხმება.

6.4 იმ შემთხვევაში, თუ შესრულებული სამუშაო ან მისი ნაწილი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველი ან/და მისი უფლებამოსილი პირი აცნობებს მიმწოდებელს შემოწმების შედეგებს დაწუნებული სამუშაოს მოცულობისა და წუნდების მიზეზის მითითებით. შემსყიდველი უფლებამოსილია, საკუთარი შეხედულებისამებრ განუსაზღვროს მიმწოდებელს გონივრული ვადა დაწუნებული სამუშაოს გამოსწორების მიზნით. აღნიშნული ვადის დარღვევის შემთხვევაში მიმწოდებელს დაეკისრება ხელშეკრულების 8.6 პუნქტით გათვალისწინებული პირგასამტეხლო, შემსყიდველის მიერ განსაზღვრული გონივრული ვადის ბოლო თარიღიდან დეფექტების საბოლოო აღმოფხვრამდე.

6.5 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები.

6.6 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.7 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება 2015 წ. თბილისის ბიუჯეტის სახსრებით ეტაპობრივად, მიღება-ჩაბარების აქტის გაფორმებიდან 10 (ათი) კალენდარული დღის ვადაში.

7.3 შესრულებული სამუშაოების ღირებულება განისაზღვრება შესაბამისი ხელშეკრულების ხარჯთაღრიცხვით გათვალისწინებული ერთეულის ფასების ფარგლებში, ფაქტობრივი დანახარჯების მიხედვით.

7.4 ხელშეკრულების 8.2, 8.3, 8.4, 8.5 და 8.6 პუნქტების დარღვევის შემთხვევაში მიმწოდებელზე დაკისრებული პირგასამტეხლოს (ჯარიმის) ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე დაკისრებული პირგასამტეხლოს (ჯარიმის) გადახდის შემდეგ.

7.5 წინასწარი ანგარიშსწორების (ავანსი) გამოყენება შესაძლებელია საავანსო თანხის იდენტური ოდენობის, უპირობო, გამოუთხოვადი საბანკო გარანტიის წარმოდგენის შემთხვევაში (რომლის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს სამუშაოების დასრულების ვადას) ხელშეკრულების საერთო ღირებულების არაუმეტეს 80%-ის ოდენობით. მიმწოდებელმა ავანსის თანხები უნდა გამოიყენოს მხოლოდ ამ შესყიდვებთან დაკავშირებულ ვალდებულებების შესასრულებლად.

7.6 წინასწარი გადახდის თანხების (ავანსი) დაკავება განხორციელდება ქალაქ თბილისის მუნიციპალიტეტის მერის 2014 წლის 4 სექტემბრის №508 ბრძანების შესაბამისად - „ქ. თბილისის მუნიციპალიტეტის ბიუჯეტით განსაზღვრული ასიგნებებიდან ფაქტობრივი ხარჯების გაწევამდე ხელშეკრულებით გათვალისწინებული წინასწარ გადახდილი სახსრების დამოწმების შესახებ“.

7.7 სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული წესის 26² მუხლის მე-6 პუნქტის საფუძველზე მიმწოდებელი უფლებამოსილია წარმოადგინოს ავანსად გასაცემი თანხის განახევრებულ ოდენობაზე საბანკო გარანტია.

7.8 უპირობო, გამოუთხოვადი წინასწარი ანგარიშსწორების (საავანსო) გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან (გარდა იმ სადაზღვევო კომპანიებისა, რომელთაც სახელმწიფო შესყიდვების პროცედურებით განსაზღვრულ გარანტიებთან დაკავშირებით ქ. თბილისის მუნიციპალიტეტის მერიასთან მიმდინარე პერიოდისათვის უფიქსირდებათ ვადაგადაცილებული ვალდებულებები და სასამართლო დავები), ეროვნულ ვალუტაში - ლარში. ასევე, წინასწარი ანგარიშსწორების (საავანსო) გარანტიის წარმოდგენა დასაშვებია „ეკონომიკური თანამშრომლობისა და განვითარების ორგანიზაციის“ (OECD) წევრი ქვეყნების შესაბამისი ორგანოების მიერ ლიცენზირებული საბანკო დაწესებულებიდან, როგორც ეროვნულ ვალუტაში (ლარი), ისე უცხოურ ვალუტაში - ა.შ.შ დოლარში ან/და ევროში. OECD-ს წევრი ქვეყნების საბანკო დაწესებულებების მიერ გაცემული საბანკო გარანტიის დოკუმენტის ვალიდურობა დადასტურებული უნდა იქნას საქართველოს ეროვნული ბანკის მიერ ან/და წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულების ავთორიტეტი. იმ შემთხვევაში თუკი, წინასწარი ანგარიშსწორების (საავანსო) გარანტია წარმოდგენილი იქნება უცხოურ ვალუტაში და სავალუტო კურსის ცვლილება (ლარის გამყარება) გამოიწვევს ხელშეკრულებით პირობების მიხედვით გაცემული და დაუდასტურებელი (გამოუქვითავი) საავანსო თანხის შემცირებას, მიმწოდებელი ვალდებული იქნება გაზარდოს წინასწარი ანგარიშსწორების გარანტიის ღირებულება და წარუდგინოს იგი შემსყიდველს ყოველი ასეთი შემთხვევის დადგომიდან არაუგვიანეს 10 სამუშაო დღის ვადაში. აღნიშნულ ვადაში შესაბამისი ღირებულების საბანკო გარანტიის წარმოუდგენლობის შემთხვევაში, შემსყიდველი იტოვებს უფლებას ცალმხრივად შეწყვიტოს ხელშეკრულება. საბანკო გარანტიები და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი).

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში (გარდა შესრულების ვადის და წერილობით განსაზღვრული ხარვეზის აღმოფხვრის გონივრული ვადის დარღვევისა) მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,1 %-ის ოდენობით.

8.3 ხელშეკრულების გაფორმებიდან სამუშაოების დაწყების 5 (ხუთი) კალენდარულ დღეზე მეტი ვადით გადაცილების შემთხვევაში მიმწოდებელს დაეკისრება საჯარიმო სანქცია ხელშეკრულების ღირებულების 0,1%-ის ოდენობით.

8.4 კალენდარული გეგმა-გრაფიკის ხელშეკრულების გაფორმებიდან 5 (ხუთი) კალენდარული დღის ვადაში შემსყიდველთან წარმოდგენლობის ან/და შეუთხმებლობის შემთხვევაში მიმწოდებელს დაეკისრება ჯარიმის გადახდა ერთჯერადად ხელშეკრულების ღირებულების 0,1%-ის ოდენობით.

8.5 ინსპექტირებისას სამუშაოთა წარმოების კალენდარული გეგმა-გრაფიკის (გარდა საბოლოო მიწოდების ვადის გადაცილებისა) ჩამორჩენის დაფიქსირების შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,1%-ის ოდენობით.

8.6 ხელშეკრულებით განსაზღვრული სამუშაოს დასრულების ვადის და წერილობით განსაზღვრული ხარვეზის აღმოფხვრის გონივრული ვადის დარღვევის შემთხვევაში მიმწოდებელს დაეკისრება პირგასამტეხლოს გადახდა ვადაგადაცილებით წარმოდგენილი და მიღება-ჩაბარების აქტიტ გაფორმებული დადასტურებული სამუშაოების ღირებულების 0,1 %-ის ოდენობით ყოველ ვადაგადაცილებულ დღეზე.

8.7 ხელშეკრულების შეწყვეტის შემთხვევაში მიმწოდებელს ხელშეკრულების შესრულების უზრუნველყოფის საბანკო გარანტია ჩამოერთმევა სრულად შემსყიდველის სასარგებლოდ;

8.8 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

8.9 ხელშეკრულების 7.2 პუნქტის მოთხოვნის დარღვევის შემთხვევაში შემსყიდველს დაეკისრება პირგასამტეხლო ჩასარიცხი თანხის 0,1 %-ის ოდენობით, ყოველ ვადაგადაცილებულ დღეზე.

8.10 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;
- ბ) ხელშეკრულების შესრულების უზრუნველყოფის საბანკო გარანტიის არაუგვიანეს ხელშეკრულების გაფორმებიდან 7 (შვიდი) სამუშაო დღის ვადაში წარმოდგენლობის შემთხვევაში;
- გ) მიმწოდებლის მიერ ხელშეკრულების გაფორმებიდან სამუშაოების დაწყების 10 კალენდარულ დღეზე მეტი ვადით გადაცილების შემთხვევაში.
- დ) კალენდარული გეგმა-გრაფიკის წარმოდგენლობის ან/და შემსყიდველთან შეუთხმებლობის ხელშეკრულების გაფორმებიდან 10 (ათი) კალენდარული დღეზე მეტი ვადით გადაცილების შემთხვევაში.
- ე) მიმწოდებლის მიერ ხარვეზების გამოსწორებაზე უარის თქმის ან არ გამოსწორების შემთხვევაში;
- ვ) მიმწოდებლის მიერ სამუშაოს საბოლოო შესრულების ვადის 15 კალენდარულ დღეზე მეტი ვადით გადაცილების შემთხვევაში.
- ზ) მიმწოდებლის მიერ სავალუტო კურსის ცვლილებისას (ლარის გამყარება) უცხოურ ვალუტაში წარმოდგენილი ხელშეკრულების შესრულების გარანტიის და წინასწარი ანგარიშსწორების გარანტიის გაზრდილი ღირებულებით წარმოდგენლობის შემთხვევაში;
- თ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ი) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება.

10. ხელშეკრულების შესრულების გარანტია

10.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, გამოიყენება გარანტირების მექანიზმის შემდეგი სახე – უპირობო, გამოუთხოვადი საბანკო გარანტია, რომელიც უნდა წარმოადგინოს მიმწოდებელმა ხელშეკრულების გაფორმებიდან 7 (შვიდი) სამუშაო დღის ვადაში, ხელშეკრულების საერთო ღირებულების 5%-ის ოდენობით (სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული წესის 21-ე მუხლის მე-2^ა პუნქტის საფუძველზე მიმწოდებელი უფლებამოსილია წარმოადგინოს ხელშეკრულების შესრულების საბანკო გარანტია განახევრებული ოდენობით), რომლის მოქმედების ვადა 30 (ოცდაათი) კალენდარული დღით უნდა აღემატებოდეს ქ. თბილისში, გმირთა მოედნიდან

თამარაშვილის ქუჩამდე არსებული ავტომაგისტრალის რეაბილიტაციის (პკ 9+60,00 - პკ 19+62,00) სამუშაოების დასრულების ვადას (წარმოსადგენი საბანკო გარანტიის ნიმუში დანართის სახით თან ახლავს ხელშეკრულებას).

10.2 მიმწოდებელს მისი წერილობითი მოთხოვნის საფუძველზე ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმების შემდეგ.

10.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

შენიშვნა: უპირობო, გამოუთხოვადი ხელშეკრულების შესრულების გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან (გარდა იმ სადაზღვევო კომპანიებისა, რომელთაც სახელმწიფო შესყიდვების პროცედურებით განსაზღვრულ გარანტიებთან დაკავშირებით ქ. თბილისის მუნიციპალიტეტის მერიასთან მიმდინარე პერიოდისათვის უფიქსირდებათ ვადაგადაცილებული ვალდებულებები და სასამართლო დავები), ეროვნულ ვალუტაში - ლარში. ასევე, ხელშეკრულების შესრულების გარანტიის წარმოდგენა დასაშვებია „ეკონომიკური თანამშრომლობისა და განვითარების ორგანიზაციის“ (OECD) წევრი ქვეყნების შესაბამისი ორგანიზების მიერ ლიცენზირებული საბანკო დაწესებულებიდან, როგორც ეროვნულ ვალუტაში (ლარი), ისე უცხოურ ვალუტაში - ა.შ.შ დოლარში ან/და ევროში. OECD-ს წევრი ქვეყნების საბანკო დაწესებულებების მიერ გაცემული საბანკო გარანტიის დოკუმენტის ვალიდურობა დადასტურებული უნდა იქნას საქართველოს ეროვნული ბანკის მიერ ან/და წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულების ავთორიზაცია. იმ შემთხვევაში თუკი, ხელშეკრულების უზრუნველყოფის გარანტია წარმოდგენილი იქნება უცხოურ ვალუტაში და სავალუტო კურსის ცვლილება (ლარის გამყარება) გამოიწვევს ხელშეკრულების მთლიანი ღირებულების შესაბამის პროცენტულ ოდენობასთან მიმართებით საბანკო გარანტიის ღირებულების ეროვნულ ვალუტაში (ლარში) შემცირებას, მიმწოდებელი ვალდებული იქნება გაზარდოს ხელშეკრულების უზრუნველყოფის გარანტიის ღირებულება და წარუდგინოს იგი შემსყიდველს ყოველი ასეთი შემთხვევის დადგომიდან არაუგვიანეს 10 სამუშაო დღის ვადაში. აღნიშნულ ვადაში შესაბამისი ღირებულების საბანკო გარანტიის წარმოდგენლობის შემთხვევაში, შემსყიდველი იტოვებს უფლებას ცალმხრივად შეწყვიტოს ხელშეკრულება. საბანკო გარანტიები და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი).

11. ფორს-მაჟორი

11.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორსმაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორსმაჟორის შემთხვევაში გათვალისწინებული შედავათები არ ვრცელდება.

11.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოიწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

12. უსაფრთხოება და გარემოს დაცვა

12.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

12.2 მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაობით გამოწვეული ხმაურის, ვიბრაციის და მტვრის გავლენის მინიმუმადე დაყვანა.

12.3 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

12.4 მიმწოდებელი ვალდებულია სამუშაოები შეასრულოს საქართველოში მოქმედი სამშენებლო ნორმებით და წესებით, აგრეთვე პროექტით გათვალისწინებული უსაფრთხოების წესების დაცვით. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

12.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

13. ხელშეკრულებაში ცვლილებების შეტანა

13.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

13.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

14. უფლებების გადაცემა

14.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

15. ღირებულება

15.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

15.2 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

15.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

15.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

16. ურთიერთობა ხელშეკრულების დამდებ მხარეებს შორის

16.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

16.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტ. პირი ბ-ნი ამირან მამუჭაძე, ტელეფონის ნომერი: +995322207475; ელექტრონული ფოსტა: info@bsg.com.ge;

ბ) შემსყიდველის შემდეგი რეკვიზიტები: საკონტ. პირი ბ-ნი ჰამლეტ ჟიჟიაშვილი; ტელეფონის ნომერი 599 54 85 82; ელექტრონული ფოსტა: ketilmotskoba@tbilisi.gov.ge;

16.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

16.4 შეტყობინება შედის ძალაში ადრესატის მიერ მისი მიღების დღეს.

17. სადაო საკითხების გადაწყვეტა

17.1 ხელშეკრულების დამდები მხარეები თანხმდებიან მასზე, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

17.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს

17.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს

17.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

17.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. სხვა პირობები

18.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

18.2. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

19. მხარეთა იურიდიული მისამართები და რეკვიზიტები

შემსყიდველი:

ქალაქ თბილისის მუნიციპალიტეტის მერია



გიორგი სოლომონია
მერის მოადგილე

ქალაქ თბილისის მუნიციპალიტეტის მერია

ქ. თბილისი, ჟ. შარტავას ქ. #7

სახელმწიფო ხაზინა


TRESGE22

საიდ. კოდი: 204521794

ა/ა GE24NB0330100200165022

მიმწოდებელი:

შპს „კომპანია ბლექ სი გრუპი“



ამირან მამუჭაძე
დირექტორი

შპს „კომპანია ბლექ სი გრუპი“

ქ. თბილისი, ვაჟა-ფშაველას გამზირი,

№71, სართული 3, ბლოკი VIII, ოფისი №16

სს "თიბისი ბანკი"

ბანკის კოდი: TBCBGE22

საიდ. კოდი: 204477734

ა/ა: GE61TB1100000107467338



დ. თბილისში, მდ. ვიროს ხეობაში სტიქიის შემდეგ დაზიანებული ინფრასტრუქტურის აღდგენის სარეკონსტრუქციო ხარჯთაღრიცხვა

გმირთა მოედნიდან თამარაშვილის ქუჩამდე არსებული ავტომაგისტრალის რეაბილიტაციის სამუშაოთა ხარჯთაღრიცხვა (ხიდიდან –თამარაშვილის ქუჩამდე (პკ 9+60.00 – პკ 19+62.00))

№	სამუშაოთა დასახელება	ბანზ.	რაოდენი ბა.	ერთ შასი	ღირებ-ბა
1	2	3	4	5	6
1. მოსამზადებელი სამუშაოები					
1	არსებული სანიაღვრე ქსელის თუჯის ცხურების დემონტაჟი და დასაწყობება ბაზაზე	ც	11,00	8,66	95,26
2	სანიაღვრე ქსელის დაზიანებული პოლიეთილენის გოფრე მილების დემონტაჟი დატვირთვა და ტრანსპორტირება ნაყარში	გრძ.მ.	70,00	4,90	343,00
3	დაზიანებული ბეტონის კონსტრუქციის თვალამრიდის ბლოკების (გაბ. ზომებით 300X81X50სმ წონით 1.875ტ) დემონტაჟი, დატვირთვა ავტომანქანით და ტრანსპორტირება ბაზაზე (8 ცალი) ნაყარში (7 ცალი)	ც	15,00	21,58	323,70
4	არსებული დაზიანებული რკინაბეტონის კონსტრუქციის წყალმომცილებელი არხების დაშლა სანგრევი ჩაქუჩებით, დატვირთვა თვითმცლელზე და ტრანსპორტირება ნაყარში	გ ³	6,60	100,00	660,00
5	სავალი ნაწილის, თვალამრიდისა და სხვა რკინაბეტონის კონსტრუქციების ნანგრევების დემონტაჟი, დატვირთვა თვითმცლელზე და ტრანსპორტირება ნაყარში.	გ ³	9,00	100,00	900,00
ჯამი თავე 1					2321,96
2. პკ 12+90.50 – პკ 13+20.50 საბზარო ნაწილის რეაბილიტაცია					
1	არსებული დაზიანებული ბეტონის სავალი ნაწილის ფილის დაშლა სანგრევი ჩაქუჩებით, დატვირთვა თვითმცლელზე და ტრანსპორტირება ნაყარში	გ ³	96,00	100,00	9600,00
2	შემასწორებელი ფენის მოწყობა – ქვიშა ხრეშოვანი ნარევი, სისქით 30სმ (გრუნტის ზიდავა 40 კმ)	გ ³	48,00	30,00	1440,00
3	საფუძველის მოწყობა – ღორღი ფრაქციით 0-40მმ, სისქით 25სმ. (გრუნტის ზიდავა 40 კმ)	გ ²	160,00	8,00	1280,00
4	გვირაბის ფარგლებში შემასწორებელი ფენის მოწყობა მჭლე ბეტონისაგან საშ. სისქით 16 სმ	გ ³	51,20	120,00	6144,00
5	საფარის მოწყობა – არმირებული ცემენტბეტონი, სისქით 24სმ, გრძივი და განივი ნაკერების მოწყობა, ხვრელების დაბურღვა, არმატურის ჩაყენება და ნაკერების ბიტუმის მასტიკით შევსება	გ ²	480,00	49,00	23520,00
ჯამი თავე 2.					41984,00
3. პკ 13+45.60 – პკ 13+65.60 საბზარო ნაწილის რეაბილიტაცია					
1	არსებული დაზიანებული ბეტონის სავალი ნაწილის ფილის დაშლა სანგრევი ჩაქუჩებით, დატვირთვა თვითმცლელზე და ტრანსპორტირება ნაყარში	გრძ.მ/მ ³	16,00	100,00	1600,00
2	შემასწორებელი ფენის მოწყობა – ქვიშა ხრეშოვანი ნარევი, სისქით 30სმ (გრუნტის ზიდავა 40 კმ)	გ ³	24,00	30,00	720,00
3	საფუძველის მოწყობა – ღორღი ფრაქციით 0-40მმ, სისქით 25სმ. (გრუნტის ზიდავა 40 კმ)	გ ²	80,00	8,00	640,00
4	საფარის მოწყობა – არმირებული ცემენტბეტონი, სისქით 24სმ, გრძივი და განივი ნაკერების მოწყობა, ხვრელების დაბურღვა, არმატურის ჩაყენება და ნაკერების ბიტუმის მასტიკით შევსება	გ ²	80,00	49,00	3920,00
ჯამი თავე 3.					6880,00
4. პკ 15+41.00 – პკ 15+56.00 საბზარო ნაწილის რეაბილიტაცია					
1	არსებული დაზიანებული ბეტონის სავალი ნაწილის ფილის დაშლა სანგრევი ჩაქუჩებით, დატვირთვა თვითმცლელზე და ტრანსპორტირება ნაყარში	გ ³	12,00	100,00	1200,00
2	შემასწორებელი ფენის მოწყობა – ქვიშა ხრეშოვანი ნარევი, სისქით 30სმ (გრუნტის ზიდავა 40 კმ)	გ ³	18,00	30,00	540,00
3	საფუძველის მოწყობა – ღორღი ფრაქციით 0-40მმ, სისქით 25სმ. (გრუნტის ზიდავა 40 კმ)	გ ²	60,00	8,00	480,00
4	საფარის მოწყობა – არმირებული ცემენტბეტონი, სისქით 24სმ, გრძივი და განივი ნაკერების მოწყობა, ხვრელების დაბურღვა, არმატურის ჩაყენება და ნაკერების ბიტუმის მასტიკით შევსება	გ ²	60,00	49,00	2940,00
ჯამი თავე 4.					5160,00

1	2	3	4	5	6
5. კპ 15+56.00 – კპ 15+86.00 საბზარო ნაწილის რეაბილიტაცია					
1	არსებული დაზიანებული ბეტონის სავალი ნაწილის ფილის დაშლა სანგრევი ჩაქუჩებით, დატვირთვა თვითმცვლელზე და ტრანსპორტირება ნაყარში	მ ³	24,00	100,00	2400,00
2	შემასწორებელი ფენის მოწყობა – ქვიშა ხრეშოვანი ნარევი, სისქით 30სმ (გრუნტის ზიღვა 40 კმ)	მ ³	36,00	30,00	1080,00
3	საფუძველის მოწყობა – ღორღი ფრაქციით 0-40მმ, სისქით 25სმ. (გრუნტის ზიღვა 40 კმ)	მ ²	120,00	8,00	960,00
4	საფარის მოწყობა – არმირებული ცემენტბეტონი, სისქით 24სმ, გრძივი და განივი ნაკერების მოწყობა, ხერვლების დაბურღვა, არმატურის ჩაყენება და ნაკერების ბიტუმის მასტიკით შევსება	მ ²	120,00	49,00	5880,00
ჯამი თაპი 5.					10320,00
6. კპ 16+06.40 – კპ 16+61.40 საბზარო ნაწილის რეაბილიტაცია					
1	არსებული დაზიანებული ბეტონის სავალი ნაწილის ფილის დაშლა სანგრევი ჩაქუჩებით, დატვირთვა თვითმცვლელზე და ტრანსპორტირება ნაყარში	მ ³	44,00	100,00	4400,00
2	შემასწორებელი ფენის მოწყობა – ქვიშა ხრეშოვანი ნარევი, სისქით 30სმ (გრუნტის ზიღვა 40 კმ)	მ ³	66,00	30,00	1980,00
3	საფუძველის მოწყობა – ღორღი ფრაქციით 0-40მმ, სისქით 25სმ. (გრუნტის ზიღვა 40 კმ)	მ ²	220,00	8,00	1760,00
4	საფარის მოწყობა – არმირებული ცემენტბეტონი, სისქით 24სმ, გრძივი და განივი ნაკერების მოწყობა, ხერვლების დაბურღვა, არმატურის ჩაყენება და ნაკერების ბიტუმის მასტიკით შევსება	მ ²	220,00	49,00	10780,00
ჯამი თაპი 6.					18920,00
7. გზის ინფრასტრუქტურის რეაბილიტაცია					
1	სავალი ნაწილის გამორეცხილი უბნების დაბეტონება მჭლე ბეტონით (სწრაფად გასაძვარებელი დანამატებით)	მ ³	606,40	150,00	90960,00
2	არსებულ გზაზე გამორეცხილ უბნებზე ბეტონის დასაჭირსნი Ø250მმ I=0.25მ სიგრძის ხერვლების ბურღვა პერფორატორით.	ც	530,00	5,29	2803,70
3	ქვიშა-ცემენტის ხსნარით დაჭირხენა	მ ³	61,50	110,00	6765,00
4	მიწის ვაკისის წარბას მოწყობა ხრეშოვანი გრუნტის დაყრით და შრედაშრე დატკეპნით	მ ³	3184,50	18,00	57321,00
5	გზის მიმდებარედ ბეტონის კონსტრუქციის თვალამრიდის ქვების (გაბ. ზომებით 75x30x15სმ, წონით 0.085ტ) დამზადება, ტრანსპორტირება და მონტაჟი ავტომანქანით	გრძ.მ	2745,30	23,00	63141,90
6	მონოლითური რ.ბ. წყალმომცველებელი ღარების მოწყობა	მ ³	145,60	429,14	62482,78
7	ტროტუარებისათვის 20სმ სისქის საფუძველის ფენის მოწყობა 0-40მმ ფრაქციის ღორღისაგან (გრუნტის ზიღვა 40 კმ)	მ ²	1739,40	7,20	12523,68
8	ბიტუმის ემულსიის მოხსნა	ტ	1,01	1300,00	1313,00
9	ტროტუარებზე საფარის ფენის მოწყობა წერილმარცვლოვანი მკერივი ღორღოვანი ასფალტბეტონის ცხელი ნარევისაგან, ტიპი B მარკა II, სისქით 5სმ	მ ²	1739,40	18,00	31309,20
10	გამყოფ ზოლში რკინაბეტონის კონსტრუქციის თვალამრიდების მოწყობა	გრძ.მ.	650,00	90,00	58500,00
11	გამყოფი ზოლის შევსება მიწით	მ ³	395,60	8,50	3362,60
12	გამყოფი ზოლის მოთესვა ბალახით	მ ²	1554,00	2,50	3885,00
ჯამი თაპი 7.					394367,86
8. 112-ის შინაგზის მიმდებარე ტერიტორიის კეთილმოწყობა					0,00
1	შემასწორებელი ფენა – ქვიშა-ხრეშოვანი ნარევისაგან	მ ³	75,00	30,00	2250,00
2	საფუძველის ფენის მოწყობა – ღორღი ფრაქციით 0-40მმ, სისქით 20სმ.	მ ²	155,00	7,20	1116,00
3	ბიტუმის ემულსიის მოხსნა	ტ	0,10	1300,00	130,00
4	საფარის ქვედა ფენის მოწყობა – მსხვილმარცვლოვანი ფოროვანი ღორღოვანი ასფალტბეტონის ცხელი ნარევისაგან, მარკა II, სისქით 6სმ.	მ ²	150,00	16,50	2475,00
5	ბიტუმის ემულსიის მოხსნა	ტ	0,05	1300,00	65,00
6	საფარის ფენის მოწყობა წერილმარცვლოვანი მკერივი ღორღოვანი ასფალტბეტონის ცხელი ნარევისაგან, ტიპი B მარკა II, სისქით 5სმ	მ ²	150,00	15,00	2250,00
ჯამი თაპი 8.					8286,00
9. სანიტარული ქსელის რეაბილიტაცია					0,00
1	არსებული სანიტარული ჭებისა და დამაკავშირებელი Ø250მმ დიამეტრის მქონე მიწების გაწმენდა მიწისაგან ხელით, დატვირთვა თვითმცვლელზე და ტრანსპორტირება ნაყარში	მ ³	37,00	75,00	2775,00

1	2	3	4	5	6
2	სანიაღვრე ჭეხვის დამაკავშირებელი მიწების მოსაწყობად გრუნტის დამუშავება ხელით, დატვირთვა თვითმცლელელებზე და ტრანსპორტირება ნაყარში	მ ³	46,20	26,00	1201,20
3	ქვაბულის ძირის მოშანდაკება ხელით	მ ³	4,27	9,48	40,48
4	ხრემის ფენილის მოწყობა ხელით	მ ³	4,80	30,00	144,00
5	ქვიშის ფენილის მოწყობა ხელით	მ ³	3,70	36,00	133,20
6	მონოლითური რ.ბ. სანიაღვრე ჭეხვის მოწყობა	ც	2,00	848,00	1696,00
7	თუჯის ცხაურები	ც	10,00	278,00	2780,00
8	თუჯის გვერდმიმღები	ც	12,00	278,00	3336,00
10	Ø300მმ პოლიეთილენის გოფრე მიწების მონტაჟი	გრძ.მ.	25,00	40,00	1000,00
12	მიწებზე გრუნტის დაფრა და დატკეპნა	მ ³	15,60	5,00	78,00
ჯამი თაპი 9.					13183,88
ჯამი თაპი 1-9					501423,70
ზემნაღები ხარჯი			10%		50142,37
ჯამი					551566,07
მომხმარებელი			8%		44125,29
ჯამი					595691,36
ბაშთივალისწინებელი			3%		17870,74
ჯამი					613562,10
ფღ			18%		110441,18
სულ ჯამი					724003,28
მასპერტიზის ღირებულება 2%			1,5%		10860,05
სულ					734863,33

ქალაქ თბილისის მუნიციპალიტეტის მერია



გიორგი სოლომონია
მერის მოადგილე

შპს "კომპანია ბლექ სი გრუპი"



ამირან მამუკაძე
დირექტორი

ხელშეკრულების შესრულების საგარანტიო უზრუნველყოფა
(საბანკო გარანტია)

ვის: _____

(შემსყიდველის დასახელება)
მხედველობაში ვიღებთ რა, რომ

(მიმწოდებლის დასახელება)
შემდგომში „მიმწოდებელმა“ _____ ხელშეკრულებით
გათვალისწინებული პირობების შესაბამისად
(ტენდერის დასახელება)

იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია. ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით (ლარი))
და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.
წინამდებარე გარანტია ძალაშია _____

გარანტების ხელმოწერა და ბეჭედი

(თარიღი)

(მისამართი)

ჩვენ, ქვემოთ ხელის მომწერნი და ხელშეკრულების გაფორმებაზე უფლებამოსილი პირი ვადასტურებთ, რომ აღნიშნულ შესყიდვის განხორციელებასთან დაკავშირებით ჩვენი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფებით.


შეთანხმებულია:

ქალაქ თბილისის მუნიციპალიტეტის მერიის მუნიციპალური შესყიდვების საქალაქო სამსახურის უფროსი




დავით მორალიშვილთან

ქალაქ თბილისის მუნიციპალიტეტის მერიის საფინანსო საქალაქო სამსახურის უფროსი



ლევან თევზაიასთან

ქალაქ თბილისის მუნიციპალიტეტის მერიის კეთილმოწყობის საქალაქო სამსახურის უფროსი



ავთანდილ სუდამესთან

ქალაქ თბილისის მუნიციპალიტეტის მერიის კეთილმოწყობის საქალაქო სამსახურის უფროსის მოადგილე

ჰამლეტ ჟიჟიაშვილი - 

ქალაქ თბილისის მუნიციპალიტეტის მერიის კეთილმოწყობის საქალაქო სამსახურის თანამშრომელი

მურთაზ ხარჩილავა - 